



RIEKSIE WINT DE HEUFDPRIES

**Klucht in drie bedrijven
in het Zuid-Oost Drentse dialect**

door

JANNES BENNEN

**TONEELUITGEVERIJ VINK B.V.
(Grimas Theatergrime verkoop)
Tel: 072 - 5 11 24 07
E-mail: info@toneeluitgeverijvink.nl
Website: www.toneeluitgeverijvink.nl**

VOORWAARDEN

Alle amateurverenigingen die het stuk: **RIEKSIE WINT DE HEUFDPRIES** gaan opvoeren, dienen in alle programmaboekjes, posters, advertenties en eventuele andere publicaties de volledige naam van de oorspronkelijke auteur: **JANNES BENNEN** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

Copyright: © 2015 Anco Entertainment bv - Toneeluitgeverij Vink bv

Internet: www.toneeluitgeverijvink.nl

E-mail: info@toneeluitgeverijvink.nl

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: www.ibva.nl

Email: info@ibva.nl

ING bank: 81356 – IBAN: NL08INGB0000081356 BIC: INGBNL2A

Geen enkele andere instantie dan het IBVA heeft de bevoegdheid genoemde rechten van u te claimen, of te innen.

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

Vergunning tot opvoering:

1. Aankoop van minimaal **7** tekstboekjes bij de uitgever.
2. U vult het aanvraagformulier in op www.ibva.nl of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

Vergunning tot HER-opvoering(en):

1. U vult het aanvraagformulier in op www.ibva.nl of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.

Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.

**Rechten BELGIË: Toneelfonds JANSSENS, afd. Auteursrechten,
Te Boelaerlei 107 - 2140 Bght ANTWERPEN Telefoon (03)3.66.44.00.
Geen enkele andere instantie heeft de bevoegdheid genoemde rechten van u te claimen, of te innen.**

PERSONEN:

Geert Kuipers - ca. 65 jaorige boer. Vao van Rieksie

Truus Kuipers - ca. 60 jaorige boerin. Vrouw van Geert en Rieksie zien moe.

Rieksie Kuipers - ca. 35 jaorige zeun van Geert en Truus. Ongetrouwd en niet ien van de veurlijksten.

Joop Klunder - Praotgraoge postbode. In dörp ok bekend as Joop Journaal

Nelly van de Berg - Jonge zwangere vrouw.

Vrouw Hiemstra - Vrijgezelle aolderwetse en neisgierige buurvrouw. Is al op leeftied. Aolderwets antrökken en löp mank. Gebroekt daarom een stok bij 't lopen.

Vrouw Lubbers - Vroedvrouw

DECOR:

"t Tenielstuk speelt in de jaoren zestig. 't Decor bestiet oet een hoeskamer van een boerderij oet die tied. De inrichting möt in elk geval bestaon oet een hoge taofel met 4 stoelen en in ieder geval een tweezits bankie. Ok möt er een theekastie op 't teniel staon. In alle drie de bedrieven is teniel 't zölfde. Wieder 't teniel wat ankleden met wat foto's, planten en schilderijen e.d. oet die tied.

EERSTE BEDRIEF

't Is morgen. Geert en Truus zit an de hoge taofel. Beide een kop koffie veur zich. Geert is an 't kraant lezen en Truus hef een breiwarkie. D'er wordt anklopt en Joop Klunder, de postbode, komt binnen.

Joop: Goeie morgen samen.... An de koffie?

Truus: Moi Joop... of wollen ej ok een koppie?

Joop: Och... wal geern, want ik heb al weer een hiele morgen achter de rug. (*Truus pakt een kop en schöttel oet 't kastie en schenkt Joop koffie in. Joop is intussen al gaon zitten*)

Geert: (*Legt de kraant achteroet*) Moi Geert,... dus ej waren al weer een tiedtie bij 't pad, joh?.....

Joop: Ja, wij hebt 't barre drok... D'er is nogal wat ziekte bij oes op 't postkantoor en non moeten wij de straoten van de anderen d'er ok bij pakken vanzölf...

Geert: Nou, dan be'j ok wal an een kop koffie toe... (*Joop drinkt zien koffie*) Hoe is 't eigenlieks in 't dorp? He'j nog wat neis heurt de leste tied...?

Joop: 't Is eigenlijk bar rustig, hoewel ik vanmörge heurde dat Harm Beugel zien boerderij waarschijnlijk giet verkopen... He'j schient er al een best bod op had te hebben. Ze hebt 't over vier-en-half ton....

Geert: Zo... dat is gien gek bedrag..... daor ku'j de boel nog een keer veur an de kant doen...!!!

Joop: Zo is 't, en wieder wordt er verteld dat weduwvrouw Baorelds wat scharrelderij hef met de melkboer... Maor daor heb ik 't fijne nog niet van heurt. Dat wil ik onderwegens nog ies hier en daor naovraogen....

Truus: (*Geïrriteerd*) Dat mensk is niet goed wies!! Die zit achter alle keerls an te vangen... Ze döt net of ze een jong wicht is van een jaor of zestien, maor intussen is ze ok al een jaor of zestig. ...'t Hiele dorp spreekt er schaande van...!!

Geert: Ach Truus, d'er wordt zo veul kletst. Ik denk dat er hiel wat mensken ofguunstig op heur sint umdat ze d'er nog zo goed oetzöt. 't Is gewoon nog aaid een knappe vrouw um te zien..!

Truus: (*Bits*) Wat je knap nuumt.... Die vrouw is een wandelende toilettasse, en ze draagt een locht bij heur waor je gewoon beroerd van wordt...!!!

Joop: nou ja... hoe je 't ok bekiet, over gebrek an belangstelling hef ze in ieder geval niet te klagen. Maor non even wat aans..... ik heb

hier een angetiekende brief veur joe, Kuupers.... Ej moet hier even veur ontvangst tiekenen. (*wiest wat an*)

Geert: Zo...?! Een angetiekende brief...!! En van wie mag die dan wal wezen...? (*Löp intied met de brief naor 't kastie waor een pen ligt. Bekek de brief intussen an alle kaanten*)

Joop: Van wie die brief is weet ik niet, stiet er niks op 't kavort?

Geert: (*Komt met pen weer bij taofel*) 't lenigste wat er verder op stiet is "Loterij Nederland" (*undertiekent 't bewiesie en bekek de brief weer*)

Truus: Nou, maak die brief dan lös, dan wee'j tenminste wat as 't is... (*dreit zuch naor de achterdeur*) Waor blef Rieksie toch..? Ik heb hum een kwartier leden al reupen veur de koffie. (*Löp naor de deeldeur en röp naor achteren*) Rieksie.... Rieksie..... KOFFIE..!!

Geert: (*Hef intied de brief lös maakt en gegunt te lezen. Zien gezicht kreg gaondeweg de oetdrukking van verbaazing en groot enthousiasme*)

Joop: (*neischierig*) Nou Geert, is 't de meute weerd?... As ik je gezicht zo zien heb ej goed neis kregen....!!!

Geert: (*enthousiast*) Goed neis?!... Goed neis?!.....Moe'j dit ies lezen...!! Een pries....!! Wij hebt een pries wunnen!!!!

Truus: (*Grist Geert de brief oet handen en begint te lezen*) Oohh..... Oohhh.. Viefhonderd duuzend Viefhonderduuzend gulden..!! (*Vlög Geert um de nek en maakt samen met hum rare danssprongen deur de kamer*) Geert jonge, we'j bent riek...!... We'j hebt viefhonderdduuzend gulden wunnen in de loterij!!!!

Joop: (*Hef verbaosd én schrökken alles gadeslaon*) Wat vertel ej mij daor....?? Hebt jullie viefhonderdduuzend gulden wunnen...?? He'j dat wal goed lezen....???

Truus: Hier.... Lees zölf maor... (*Gooit Joop de brief toe*) Oh Geert jonge.... Hoe bestiet 't.. Nog nooit hebt wij wat wunnen, en nou..... in ien keer de heufdpries!!!! Hoe bestiet 't... hoe bestiet 't....

Joop: (*Hef de brief ok lezen en legt hum beduusd weg*) Jeetje.... Een half miljoen..... Wat ku'j daor allemaol wal niet met doen....? (*dan enthousiast*) Geert, gefeliciteerd man, geweldig!! Ej ok Truus, van harte meid..... Een half miljoen....

Geert: (*Weer rustig, Truus is inmiddels ok weer gaon zitten*) Non moe'j even goed naor mij luusteren, Joop. Ik wil niet dat dit bekend wordt hier in 't dorp. Nee... kiek mij maor niet zo an... ik weet da'j gek bent op neigies en da'j over meer neis beschikt dan de Telegraaf, maor hier hol ej je mond over dicht!!!! He'j dat goed begrepen...??

Joop: Ja, vanzölf..... vanzölf.... Maor Geert jong, dat hol ej toch nooit lang geheim...? Reken maor dat 't volk d'er achter komt.... As jullie dat geld op de ien of andere manier besteed dan wordt er over kletst. 't Valt toch op dat jullie 't opiens wal arg ruim hebt. De mensken hier sint niet gek...!!!

Truus: Maor wat denk ej non dan, Joop? Dat wij direct begunt met pot verteren? Niks er van heur... Wij sint aaid zuunig west en dat zal niet veranderen!! Wij zult best wat van 't geld gebroeken, maor 't mieste is veur oes Rieksie... Dan hef die jongen later tenminste een mooi spaarpottie....!! Waor blef die jongen trouwens....? (*Löp weer naor de deur en röp*) Rieksie...!!...Rieksie.... kom nou toch...!!! (*Löp terug naor Geert en legt heur arms over zien scholders*) Oh...Geert... dat wij dit nog muugt metmaken.....! (*In tussentied komt Rieksie vanof de deel. Niet ien van de snuggersten. Hef een overall an en hef een pet op. Hef ook een bril op met nogal dikke glazen*)

Rieksie: Hef mien mam de koffie klaor...?

Truus: (*Blied*) O ja, jonge. Maor je mam hef nog veul meer. Wij hebt de eerste pries wunnen in de loterij..... Wij sint riek, jonge.... Wij hebt viefhonderdduuzend gulden wunnen!!! (*schent ok koffie veur Rieksie in*)

Rieksie: (*Giet ok an taofel zitten*) Viefhonderdduuzend gulden...???! Daor sint pap en mam zeker wal bliede met hé??

Geert: Nou en of, mien jong... En of wij daor bliede met bent. (*tot Joop Klunder*) Dus Joop... ej hebt heurt wat ik je zegd heb... ik wil niet hebben da'j d'er met een woord over rept. Dit blef under oes...!! Belooft mij dat....??

Joop: Verdorie, nou heb ik een keer groot neis en non mag ik er niet over praoten... Mooie boel.... Maor goed Kuupers, ik belooft dat ik 't niet zal rond vertellen.... Maor ik moet non wieder, want aans kom ik vandaog niet klaor met de bestellings. (*Stiet op*)

Geert: Goed, dat is dan beloofd.....

Joop: Maor ik kom gauw weer langs um te heuren hoe 't allemaol wieder oflöp.... Nou, 't beste.... (*löp mompelend naor de deeldeur*) tjonge...tjonge.... Een half miljoen...!!

Truus: Nou, drink je koffie ies op, Rieksie! Wil ej d'er non ok een plakkie koek bij? Dat kan d'er non wal of!! (*Af naor keuken*)

Rieksie: Zeg vao, dat is een boel geld hé...? Een half miljoen....?

Geert: Een hieleboel geld, mien jong. Maor ej moet mij beloven dat d'er verder met gienien over praot. As de mensken in 't dorp er over heurt, dan hebt wij gien leven meer. Elkenien zal oes um de kop

zeuren um giften en allerlei soorten aasgieren zult zuch op oes storten!

Rieksie: Ooh... maor dat beloof ik, vao heur... Maor eh.... Wat gaon wij non allemaol met dat geld doen? Gaon wij d'er een hiel stel koeien bij kopen...??

Geert: Nee mien jong... misschien dat wij wat neie meubelties kopen, maor de rest giet hen de bank! En as je moe en ik laoter oet de tied komt dan heb ej tenminste een mooi spaorpottie!!

Rieksie: Wat moet ik nou met zo veul geld...? Ik denk dat ik er dan toch gewoon koeien veur koop...!!

Geert: Ach Rieksie jong, praot toch wiezer... Veur 500.000 gulden ku'j wal duuzend koeien kopen... Wat wil je nou met zo veul biesten? Wij hebt an de 25 koeien van non meer dan genug....

Truus: *(Komt op met een schötteltien met een paor plakkies koek)*
Geert, ik kan d'er nog niet bij dat wij zo veul geld winnen hebt. Man, wij heurt non bij de welgestelden van 't dorp. ...Ik hoop allien dat Joop Klunder zien mond dicht kan holden, want as 't op kletsen an komt dan kan he'j d'er wat van.... Ze nuumt hum niet veur niks Joop Journaal...!!! *(Achter 't teniel klinkt wat gestommel en d'er wordt roepen: **Volluk...Volluk...** Buurvrouw Hiemstra is in antocht)*

Geert: Oh... non zult wij 't beleven.... Daor komt de roddelpers van hiernaost an.... *(waorschouwend)* Gien woord over de pries...!! Goed begrepen..??? *(vrouw Hiemstra komt binnen. Hiel aolderwets ankleed. Hef een knoetien in 't haor en draagt een soort kniepbrillegien. Löp wat hinkend, met hulp van een stok)*

Vrouw H: Goeie morgen samen... kold veur de tied van 't jaor hé..?

Truus: Goei morgen vrouw Hiemstra, ok zin in koffie...?

Vrouw H: Ja, dat mag wal.... *(giet zitten)* Zo Rieksie jong, Ben ej al an 't wark west, mien jong...?

Rieksie: Ja, vrouw Hiemstra... Ik heb al weer een boel daon. Ik heb de grup al weer leeg, de kalver al weer voerd, en ik ben ok al weer met de bolle op pad west...

Vrouw H: O ja... jullie hebt nog aaid een bolle.. Geert, ik snap niet da'j niet overgaot op de K.I....!

Rieksie: K.I....?? Wat is dat dan....?

Geert: *(Körtof)* Ach jonge, dat sint al die moderne dinger. Daor doet wij niet an met...

Rieksie: Maor wat is 't dan vao... K.I.....????

Geert: *(Verlegen)* Dat is eh... eh.. dat is kunstmatige bevruchting van koeien. Dan be'j gien bolle meer neudig. D'er komt gewoon een

keerl met een buisie met wat spul en die keerl maakt de koeien dan drachtig.....

Rieksie: Een keerl met een buisie die de koeien drachtig maakt???
Hoe kan dat nou dan...?? Dat möt de bolle toch doen, vao...? En hoe döt die man dat dan met dat buisie? Oeze bolle hef toch ok gien buisie..??

Vrouw H:(*Schatert 't oet*) Geert joh, joen veurlichting hef ok niet veul oetricht.... Rieksie, ej moet je vao nog maor ies goed vraogen hoe alles in mekaar zit... As ik je zo heur dan krieg ej later nog hiel wat problemen.....

Rieksie: Problemen...?? Hoezo...??

Vrouw H:nou, ik neem an dat ej toch nog een keer hoopt te trouwen.... Dan zul je toch moeten weten hoe je d'er met an moet... Vrouwen sint niet zo hiel arg veuleisend, maor met K.I. zullen ze wal gien genoeg nemen....!!! (*Schatert 't weer oet*)

Truus: (*Verontwaardigd*) Vrouw Hiemstra!!! Gedraog je toch wat tegen die jongen.. Ej weet best dat hij niet hielemaal zo is as andere jongens van zien leeftied!! Oes Rieksie ontwikkelt zich gewoon wat langzamer, maor 't komt allemaal best goed, hé Rieksie....?

Rieksie: Ja heur, en ik weet best hoe 't allemaal in mekaar zit vrouw Hiemstra. heur.... As man en een vrouw kinder willen hebben dan.....

Geert: (*Snel tussenbeide*) Ja, ja... 't is wal goed mien jong... Kiek nou maor even of d'er nog wat te doen is op de stal... Misschien moet de kalver nog wat biks hebben.... (*Rieksie giet of*) Ej sint d'er vrog bij vanmorgen, vrouw Hiemstra... Ha'j een bosschup..?

Vrouw H: Nou nee.... Maor ik zag Joop Klunder hier weg komen en ik dacht "Kom laot ik ies heuren of er misschien nog neis is..." Joop wet miestal een hieleboel neigies....!!

Truus: Wel, jullie kletst nog maor even.... Ik gao an 't wark... D'er möt vandaag meer gebeuren dan allien maor koffie drinken!!! (*of naor de keuken*)

Vrouw H: Truus is nogal körtof Geert.. Die is ok snel op heur tienen trapt... Ik maakte toch allennig maor een grappie tegen Rieksie..? Gewoon een beetien plaogen...

Geert: Zo ienvoudig lig dat niet allemaal niet, vrouw Hiemstra... Rieksie is oes ienigst kind en jammer genug ok nog een klein beetien achter. Truus hef 't daor best moeilijk met... Ze kan er slecht tegen as ze hum de gek ansteekt...

Vrouw H: Zo was 't hielemaal niet bedoeld... maor ik verbaos mij d'er steeds weer over hoe die jongen soms op dinger reageert... (*neischierig*) Hef he'j al ies verkering had, Geert...??

Geert: Ach, dat weet ik niet... He'j giet in 't wiekend wal geregeld weg, maor of hij dan contact met vrouwluu hef dat weet ik niet... Hoewel 't mij niet zul verbaozen...! Hij is best gek op vrouwen. Je zullen 't zo niet zeggen, maor soms kek he'j naor vrouwen op een manier dat ik wal ies denk dat 't niet bij kieken allien blef.....

Vrouw H: (*Verbaosd*) Is 't echt zo Geert...?? Dat had ik niet van die jongen dacht... As je hum zo ziet dan zu'j hum nog gien cent geven.....

Geert: (*Kwaod*) Vrouw Hiemstra..!! Ik weet niet of je 't weet, maor je hebt 't wal over mien zeun!! Hij mag dan misschien wat in zien ontwikkeling achterblieven maor hij is um de donder niet gek...!!! (*Slat met de voest op taofel, daornao weer wat rustiger*) Kan ik verder nog wat veur je doen vrouw Hiemstra?... Aans gao ik ok weer an 't wark...!!

Vrouw H: Nou, ik zei al dat ik Joop Journaal hier vot zag komen en he'j har zo'n vrömde blik in zien ogen. Ik dacht, ik gao even heuren of er misschien wat biezunders gebeurd is....

Geert: (*Koel*) Nou nee, heur... Zoveul biezunders had he'j niet... Hij hef hier een kop koffie druncken en eh.... Wij hebt 't even over de biesten had.... Maor as je 't ok oetkomt dan wil ik non weer an 't wark... (*stiet op*)

Vrouw H: Nou, de gastvrijheid kent gien grenzen, maor ik gao al heur.... (*stiet op en löp naor de deeldeer. Op t zölfde moment komt Rieksie net weer binnen*)

Rieksie: Zo, gao je d'er weer vandeur vrouw Hiemstra....?

Vrouw H: Ja, mien jong... Je vao hef gien tied meer um met mij te praoten. (*met heufd in de nek of*)

Rieksie: (*Giet peinsend bij zien vao an taofel zitten.nao een tiedtie*) Zeg vao, wat bedoelde vrouw Hiemstra zonet toen ze 't over de bolle had..?

Geert: Ach mien jong.. ze prebeerde je een beetien de gek an te steken. Ze wol ies zien of ej wal wussen wat K.I. is. Trek je d'er maor niks van an, jong. Vrouw Hiemstra is een olde vrijster en een dikke kletskouse!!!

Rieksie: Maor toch wil ik wal ies weten vao, hoe zo'n keerl dat non döt met zo'n buisie...Ik snap gewoon niet hoe dat kan....!!

Geert: (*Ongeduldig en wet zuch gien raod met de situatie*) Vraag dat maor an je moe, ik moet weer an 't wark....

Truus: (*komt binnen met een pan en een korf erpel*) Wat möt Rieksie mij vraogen Geert...? Loop ej weer vot veur bepaalde zaaken...?

Geert: (*Verlegen*) Ach. Wij waren een spellegien an 't doen, met afkortingen en zo.... (*snel of*)

Truus: Nou, wat was er mien jong, wat wollen ej weten...? (*giet bij Rieksie zitten en begint erpel te schillen*)

Rieksie: Ik vreug oes vao nog een keer naor die K.I. keerl en toen zee hij dat ik 't je maor mus vraogen.... Ik snap gewoon niet hoe zo'n man met een buisie oeze koeien drachtig kan maken...!!!

Truus: Vrouw Hiemstra hef wal wat lösmaakt... Dat nare mensk ok aaid met heur opmarkings!.. Luuster Rieksie... ik vertel je dat laoter wal ies een keer as ik d'er wat meer tied veur heb. Ik moet non met 't eten an de gang...

Rieksie: Best.... (*stiet op um weg te gaon. Op 't zölfde moment komt Geert binnen stormen*)

Geert: Verdorie nog an toe...!! Nou zie ik die Joop Journaal toch veur in de straot staon kletsen met een stuk of wat mensken... Ik durf te zweren dat he'j 't over oes hef.... Ze keken allemaol oeze kaant op... As ik die vent in mien handen krieg is 't niet best...!!

Truus: Ach Geert, doe toch niet zo drok. Ej weet hielmaol niet zeker of hij 't over oes had... Hij had toch beloofd um d'er niet over te praoten...!!

Geert: (*Nog steeds kwaod*) Ja, maor leer mij Joop Klunder kennen.. Ej ziet toch dat hij zien mond niet kan holden..! Ik durf d'er alles onder te verwedden dat hij 't over oes had!! Hadden wij hum non maor niks verteld...!! Non zit wij met de gebakken peren...!!

Truus: Dat was toch niet te veurkomen.... Hij bracht ja zölf die brief... En wij kunden toch niet van te veuren weten wat erin stund?

Geert: Nee, maor non hebt wij waarschiynlijk de poppen an 't daansen. Hebt postbodes gien spreekverbod of zo...? 't Is toch te gek dat ze alles maor zo kunt deur vertellen..!!

Truus: Wij hebt hum de brief toch zölf laoten lezen!! 't Is gien onrechtmatig verkregen informatie! Zeg Rieksie, loop ej de straot ies even in en luuster ies waar de mensken 't over hebt. (*waorschouwend*) Maor as ze je wat vraogt moe'j niks vertellen heur.... Ej holdt je mond dicht...!!

Rieksie: Maor waar moet ik dan naor luustern....?

Truus: Ej moet luustern of ze 't ok over oes hebt... Want as dat zo is dan weet wij zeker dat Joop Klunder over oes kletst hef. (*Met pan erpels of naor de keuken*)

Rieksie: Nou vao, dat geld gef oes non al een boel kopzörge. Ej kunt er veul beter koeien veur kopen, dan hef 't volk ok niks meer um over te kletsen...

Geert: Of wij d'er nou koeien veur koopt of dat wij d'er een dikke sportwagen veur koopt, 't volk wil toch kletsen... 't Is nooit goed!!

Rieksie: Oei... een mooie snelle sportwagen liekt mij ok wal wat.....
Dan kan ik snel achter de mooie meiden an scheuren....

Geert: (*Kiekt Rieksie verbaosd an*) Hoe bedoel ej dat Rieksie...? Ej wilt mij toch niet vertellen da'j dat wal ies doet...??

Rieksie: (*Onneuzel*) Tuurlijk wal... D'er bent mangs bloedmooie meiden in de stad, heur... Nou, en die meiden sint hartstikke aordig... Die komt zo bij je zitten...!!!

Geert: (*Verschrikt*) Maor wat vertel ej mij nou...?? Wanneer maak ej dat soort dinger dan met in de stad??? En waor gao je dan hen...??

Rieksie: Nou, Zaoterdag 's aovunds wal ies. Met de trein ben je d'er ja zo... Nou, en daor sint hartstikke mooie café 's en zo... Ik gao aaid naor de Rooie Lanteern...!!

Geert: (*Springt verschrikt op*) Maor Rieksie... dat is een nachtclub, jong...!!! Daor loopt allemaol vrouwen die met keerls anpappen veur geld.....(*löp verdwaosd deur de keuken*) Tjonge...jonge... Ik heb d'er meuite met om je te vertellen wat precies K.I. is en ej sjouwt verdorie de deur plat in een nachtclub...!!! En dan zeggen ze ok nog da'j wat achter bent in je ontwikkeling...!!! Maor vertel op... wat vreet ej daor 's aovunds oet..???

Rieksie: (*Begunt zich wat ongemakkelijk te vuulen*) nou, gewoon..... Wat drinken, en zo... En af en toe doet wij een spellegie.....

Geert: (*Verschrikt*) Een spellegie..?? Wat veur spellegie....????

Rieksie: (*Beetien dommig*) Nou, hartstikke mooi heur... Dat het: pokeren!! En elke keer as je verliest dan moe'j wat oetrekken...!! (*dan glunderend*) En d'er doet ok vrouwen an met..!! Maor die verliezen aaid...! Maor dat sint mooie vrouwen, vao heur... hartstikke mooi....

Geert: Rieksie jong, hol je mond... Ik weet niet wat ik er van moet denken. As ik dit allemaol zo heur dan zie ik oes half miljoen al naor de Rooie Lanteern gaon.... Dus daor besteed ej de leste tied je geld an.... An de dames van lichte zeden.....!!

Rieksie: Oh nee heur.... 't Sint niet allemaol lichten.... D'er bent ok wal dikken bij... (*enthousiast*) D'er is er ien bij die is zo dik, daor is oeze Klara 2 nog niks bij.....

Geert: Zwieg Rieksie...!! Doe wat je moe je zonet vreug... Gao de straot op en luuster waor de mensken over praot. En kom mij de eerste tied niet under ogen want ik moet met je moe praoten. (*Rieksie of. Geert löp naor de keukendeuren röp Truus*) Truus, kom ies... ik moet met je praoten....

Truus: (*Komt binnen met pan en theedoek*) Is Rieksie d'er nou al weer...? Dat is vlot...

Geert: Nee, hij is net weg... maor weet ej wat die jongen mij net verteld hef...? Moe'j begriepen...!! Weten ej wal dat die jongen zaoterdag 's aovunds naor een nachtclub in de stad giet...??? Daor brengt hij zien geld zaoterdays naor toe...!! Wussen ej dat...??? Oes Rieksie in een bordeel...?????!!

Truus: (*Van slag*) Wat vertel ej mij daor, Geert!!! Oes Rieksie?? Dat kan niet...!!! Die jongen wet 't verschil nog niet tussen een hingst en een ruun... En ej wilt mij vertellen dat zo'n joch 's aovunds in een nachtclub zit...????

Geert: (*Driftig*) Maor hij hef 't mij zölf verteld! En dan doet ze daor spellegies...!! Spellegies nuamt hij dat...!! Mekaor de kleern een beetien van 't lief trekken...!!

Truus: Heb ej dat allemaol wal goed begrepen, Geert? Is er gien sprake van een misverstaand...?

Geert: En of ik 't allemaol goed begrepen heb...!! Truus, ik denk dat die jongen meer oethaolt dan wij met zien tweeën vermoed. Volgens mij zet hij de bloemegies flink boeten.... Maor je denkt toch niet dat ik daor oes goeie geld an laot besteden...? Wij de heufdpries in de loterij, en hij de heufdpries in 't bordeel...???? Over mien liek...!!!!

Truus: Ach, zo'n vaort zal 't non ok weer niet lopen. Wij moeten 't er maor ies rustig met hum over hebben. En as 't allemaol toch zo is dan moeten wij d'er maor wat op bedenken... Want ik ben 't wal met je iens Geert, dat wij moeten oppassen dat oes goeie geld daor niet terecht komt.... (*Deeldeur giet zachties lös en vrouw Hiemstra steekt stiekum de kop om de deur*)

Geert: Maor wie had dat van oes jong verwacht...? As ik dit zo heur dan kunt wij nog veur hiel wat meer verrassings komen te staon... Wie wet wat die jongen nog meer oethaald hef..?

Truus: Ik snap 't niet...! Ik heb nooit an Rieksie merkt dat he'j belangstelling had veur vrouwen..! Misschien hebt wij d'er ok wal wat schuld an Geert.... Zo gauw die jonge wat vreug wat wij lastig vunden, dan scheepten wij hum of met een smoesie. Misschien is hij non zölf op underzuuk oetgaon... (*kiekt naor de deur en reageert verschrikt*) Vrouw Hiemstra!!!!...Ik vuulde 't al zo tochten langs mien bienen... Mensk, wat stao je daor te doen...???

Vrouw H: (*Vuult zuch betrapt*) Ja.. eh.....ik, eh.... Ik wol vraogen of ik mien heufddoek hier heb laoten liggen. Ik kan hum nargens vinden, en 't is toch barre kold a'j zunder heufddoek boeten loopt...

Truus: Maor dat is nog gien reden um oes te bespioneren!! Hoe lang heb ej daor al bij de deur staon te luustern?? Je moet je schaomen um oeze gesprekken of te luustern....!

Vrouw H: (*Bedrempeld*) Ja, maor ik wol jullie niet steuren.... Ik dacht, ik wacht wal even tot ze oetpraot bent....

Geert: (*Ok kwaod*) Jao, dat kwam je wal goed oet, hé...? Mensk, Ej hadden zo beleefd moeten wezen um in ieder geval even an te kloppen....

Vrouw H: (*Over de grootste schrik hen*) Nou ja, daor heb e jok wal geliek in.... Maor wat heurde ik? Hebt jullie problemen met Rieksie..??? Wat hef die jongen dan oethaolt...????

Truus: (*Bits*) Dat zult wij je zeker an je neischierige neus hangen..! As wij dat doet dan kunt wij 't net zo goed van de daoken schrouwen.... Oeze familie zaken gaon je niks an, vrouw Hiemstra...!!!

Vrouw H: Nou ja, dan niet... Maor an jullie te zien is 't gien wissewassie.... Ik heb jullie al eerder verteld, met die jongen krieg je nog wat te stellen...!

Geert: Wij hebt niks met die jongen te stellen, vrouw Hiemstra... 't Is een goeie vent en een harde warker hier op oes boerenbedrief... Ik snap niet wat ej op die jongen tegen hebt...!

Vrouw H: Ik heb niks op die jongen tegen. Hij kan allennig mangs zo vrömd oet de hoek komen. .. Ik krieg gien hoogte van hum.....

Geert: Zolang wij maor hoogte van hum kunt krieggen, vrouw Hiemstra, dan is 't al lang goed.... Maor je heufddoek ligt hier niet, en dat had ik ok niet verwacht..... (*Rieksie komt weer binnen. Hef een boerenkiel over zien overall an en hef 't kold. Slaot met zien armen op zien rug en wref daornao in zien handen*)

Rieksie: Zo, ik ben d'er weer..... 't Is kold boeten vao..., maor ik heb daon wat ej mij vreugen... Ik heb 't volk even anheurd en.....

Geert: (*Met geschrökken blik op vrouw Hiemstra*) Ja, Ja... 't Is al goed Rieksie... Dat bespreekt wij straks wal....

Vrouw H: (*Neischierig*) Wat wollen ej vertellen, Rieksie..?? Heb ej wat neis heurd..? Ik miende net ok al dat ik volk zag staon praoten met Joop Klunder.. (*dan achterdochtig*) Volgens mij is er wat an de haand waor jullie mij niks over wilt vertellen...!!!

Rieksie: Zo is 't, vrouw Hiemstra.... Maor veur je is 't ok wal ies goed um niet alles te weten... Dan huuf ej d'er ok gien verantwoording over of te leggen...!! Want mien vao zee lest nog: "vrouw Hiemstra hef nog zoveul goed te maken, die mag wal vief jaor in een biechtstoel zitten en dan hef ze nog maor de helft verteld".

Geert: (*schrökken*) Rieksie joh,.... Bemeui je d'er niet met... Ik kan mij zölf wal redden met vrouw Hiemstra...!

Vrouw H: Zoo...Geert Kuupers...!!! Heb ej dat verteld...? Nou, dan zal ik je ok ies even wat vertellen..... Kwaod spreken over anderen hé...? Olde onschuldige vrouwen in een kwaod daglicht

stellen hé...? Nou, bij mij is 't gelukkig niet zo dat mien geld naor ien of aander café giet...!! Ik heb 't zojuust allemaol wal heurt, heur...!! Ik heb alles heurt wat jullie over Rieksie zeeden...!! (*dan hiel triomfantelijk*) Mien geheur is nog goed....!!!!!!

Truus: (*Kwaod*) Vrouw Hiemstra..!! Hol je mond..! Ej weet niet wat je zegt... Eerst oes ofluustern en d'er dan nog misbruuk van maken ok...? (*snikkend*) Bah..... wat ben ej toch een lillijk mensk...!!! (*snikkend of naor keuken*)

Geert: (*Ok kwaod*) Zo... zie je nou wat a'j anricht hebt....?? Ej hebt Truus hielemaol overstuur maakt... Maor ej moet niet denken da'j dat maor zo kunt doen...! Ej denkt toch niet dat ik bang veur je ben...? D'er oet!!!!... Schiet op....!!! D'er oet..!!!! (*stiet op en wiest naor de deur*)

Vrouw H: Ik gao al, Geert Kuipers..... Maor ej zult er wal meer van heuren.. Ej denkt toch niet dat ik mij deur je op de kop laot zitten...!!! (*met kleine driftige stappen of. Hard met stok op de vloer tikkend en heufd in de nek*)

Rieksie: (*vol ontzag*) Goh vao....!! Da'j dat allemaol maor zo tegen vrouw Hiemstra durft te zeggen!! Ben ej dan hielemaol niet bang veur heur....??

Geert: Bang???.... Natuurlijk niet...!! A'j d'er niet met trouwd bent dan huuf je d'er ok niet bang veur te wezen!! Maor ej hebt zeker wal in de gaten dat wij dit allemaol an je te danken hebt....?


Rieksie: (*Verbaosd*) Maor wat heb ik hier non met te maken..?? Ik kan er toch niks an doen dat vrouw Hiemstra an de deur stiet te luustern...?

Geert: Nee, daor kun ej niks an doen.... Maor ej hebt met je verhaal over die nachtclub de bal wal mooi an 't rollen bracht hier in hoes.... As je mam en ik 't daor niet over had hadden, dan had vrouw Hiemstra nargens van of weten.... Over 't geld wet ze gelukkig nog niks, maor non kan ze de straot op met 't verhaal dat mien zeun een rokkenjager is..!! Nou , ik weet niet wat ik 't liefst heb..... (*d'er wordt hiel naodrukkelijk op de deur klopt en vrouw Hiemstra komt met 't heufd um de deur*)

Als u het hele stuk wilt lezen dan kunt u via www.toneeluitgeverijvink.nl de tekst bestellen en toevoegen aan uw zichtzending.

Voor advies of vragen helpen wij u graag.

 info@toneeluitgeverijvink.nl

 072 5112407



“Samenspelen” is ons motto